

Kalaallit Nunaannit miluumasunit imarmiunit
nioqqutissianik avammut niueruteqarnerup
piujuartitsiniarnermik tunngaveqarneranik
CITES-ip 2017-imi naliliinera



Pinngortitaleriffik

CITES-ip ataani Kalaallit Nunaanni Ilisimatuussutsikkut Oqartussa

CITES-ip ataani uumasogatigiit nalunaarsorsimaffianni liste II-miittunik piujuartitsinermik tunngaveqartumik avammut niueruteqarsinnaanermik nalilersuineq, 2017

Nassuiaatit inerniliinerlu

CITES-ip ataani Kalaallit Nunaanni ilisimatuussutsikkut oqartussaasutut Pinngortitaleriffik pisussaavoq uumasogatigiinnik CITES appendix II malillugu nalunaarsorsimasunik piujuartitsinermik tunngaveqartumik avammut niueruteqarsinnaaneq illersorneqarsinnaanersoq naliliiffigisallugu (naliliinerit taama ittut NDF naliliinertut naalisarlugit taaneqartarput). Nunatta imartaani miluumasut pineqartut tassaapput Kitaata imartaani tikaagulliit, arferit mikisut tamarmik nannullu. Arferit allat angisuut (Tunup imartaani tigaagulliit ilanngullugit) appendix I-ip (nalinginnaasumik taakkunannga avammut niueruteqarsinnaaneq pisinnaangilaq) ataani nalunaarsorsimapput, aarrilli appendix III-miittut piujuartitsinermik tunngaveqartumik avammut niuerutigineqarsinnaasutut naliliiffigineqaaqqaaratik avammut tuniniarneqarsinnaapput. Kisiannili aarrit piujuartitsiniarneq anguniarlugu nalunaarummi ilaapput, tassami EU-p uumasunut assigiinngitsunut niuerutigineqarsinnaanermikkut killiliiffigineqartunut allattorsimaffiani appendix II-mi aarrit ilanngunneqarnikummata.

Pinngortitaleriffik siusinnerusukkut qilalukkanut qernertanut qaqortanullu, aavernut nannunullu tunngatillugu NDF naliliinernik suliaqartarpoq. Naliliinermi matumani nutaatut naliliiffigineqarputtaaq Kalaallit Nunaata kitaata imartaaniittartut tigaagulliit arferillu mikinerit, taamaalilluni naliliineq una CITES appendix II-mi imaani miluumasut nalunaarsorsimasut tamakkerlugit naliliineruvoq.

Tigaagulliit pillugit akornutaanngitsumik avammut niueruteqartoqarsinnaaneranik naliliisoqarsinnaasimavoq, Kalaallit Nunaatami kitaata imartaani tigaagullinniartarnermi nunat tamalaat arfanniarneq pillugu ataatsimiititaliarsuanni

arferit anginerit pillugit ilisimatuussutsikkut siunnersuinermit innersuussutigineqartut malinneqarmata. Arferilli mikinerit amerlanerit pineqartillugit piujuartitsinermik tunngaveqartumik piniarneqartarnersut paasiniallugu ilisimatuussutsikkut naliliisarnerit aalaakkaasumik pisarsimangimmata taakku pillugit avammut niuerutigineqarsinnaaneq akuersaarnartinneqanngilaq.

Qilalukkanik qernertanik qaqortanillu, aarrinik nannunillu piffissat aalajangersimakannersut naapertorlugit nunanit tamalaanit piumasarisat naapertorlugit ilumut piujuartitsiniarnermik tunngaveqartumik piniagaanerat paasiniallugu CITES-imut atatillugu ukiumoortumik nalilersuisoqartarpoq. Tassunga tunngatillugu qilalukkat qaqortat aarrillu 2017-imi akuersaartumik naliliiffigineqarput, uffa qernertanik nannunillu tunisassianik avammut niueruteqarsinnaaneq akuersaarneqanngitsoq. Tamaattoqarneranut peqqutaavoq sumiiffinni pingasuni (Qimusseriarsuarmi, Ittoqqortoormiini Tasiilamilu) qilalukkanut qernertanut tunngatillugu pisassiissutaasimasut sipporlugit, taamaalillunilu piniagaanerat piujuartitsiniarnermik tunngaveqarunnaarmat, pisaqartoqartarsimammat. Nannunut tunngatillugu pisassiissutigineqarsinnaasunik siunnersuisoqanngimmat taakkununga attuumassuteqarsinnaasunik avammut niueruteqarsinnaaneq itigartinneqarpoq.

Taamaalilluni Kalaallit Nunaata imartaani imaani miluumasunik piniarnerup piujuartitsiniarnermik tunngaveqartussaana 2016-imi 2017-imilu siuariarfiusimasutut nalilerneqarpoq. Aaffanniartarnerit piujuartitsiniarnermik tunngaveqartumik ingerlanneqarput, taamatullu aamma Inglefield Bredningimi qilalukkanik qernertarniartarneq illuni.

NDF naliliinerit 2017-imi atortitassat. **Qorsuk = NDF akuersaartoq** **Aappaluttoq = NDF akuerineqanngitsoq**

Nunatta kitaata imartaani tikaagullik	Qilalugaq qernertaq	Qilalugaq qaqorta
Arferit mikinerit allat¹	Aaveq	Nanoq

¹ Niisa, niisarnaq, aarluarsuk (hvisnæsedelfin) aamma aarluk

Tunulequtaq

Kalaallit Nunaanni piujuartitsiniarnermik tunngaveqarluni ingerlatsisoqarnera paasiniarlugu naliliineq siullesq pivoq 2005-imi, tassanilu qilalukkanit qernertaneersunit avammut niueruteqarsinnaaneq akuerineqanngilaq. Naliliineq tamanna 2009-mi akuersaartunngortinneqarpoq, piniagaanerisa pisassiissuteqartarnikkut killilersugaalersimanagerat tunngavilersuutigineqarluni. Qilalukkat qaqqortat, aarrit nannullu pillugit naliliinerit siulliit pippit 2007-imi, taamani nannut aarillu akuersissuteqarfigineqanngillat qilalukkalli qaqqortat akuersissuteqarfigineqarlutik. Aarrit 2011-mi naliliiffigeqqinneqarmata akuersisoqarpoq, taavalu 2015-imi qilalukkat qernertat qaqqortallu aamma aarrit akuersissuteqarfigineqarput nannullu akuersissuteqarfigineqaratik.

Naliliinerit tamakku suliarineqartarput Kalaallit Nunaanni Namminersorlutik Oqartussat imissuteqartarnerat aallaavigalugu, taakkulu aalaakkaasuunngitsumik nutarterneqartarsimapput. Pinngortitaleriffilli 2016-imiit NDF-imik nalilersuisarnernut tunngatillugu ukiut tamaasa nutarterneqartartussanngorlugit aaqqiissuteqarpoq, taamaaliornikkut pissutsinut piviusunut naleqqussarnerunissaq anguniarneqarluni. Tamatuma saniatigut aamma arfernun mikinerunut tamanut tunngasut naliliiffigineqartalerput, tassa manna tikillugu taakku piujuartitsiniarnermik tunngaveqartumik piniarneqarnerat qulakkeerniarlugu akuttunngitsumik naliliiffigineqatarnikuunngimmata. Taakkununnga tunngatillugu nalilersuinerit assigiissumik nalaaruteqartoqaannarpoq, tassalu taakkunanngaanneersunik avammut niueruteqarsinnaaneq akuersaarneqanngimmat, imaalluni naak piniagaakulagaluartut: Niisa, niisarnaq, arluarsuk (hvisnæsedelfin) aamma arluk, taakkununnga tunisassianik nunatta avataanut annissisoqarsinnaanngilaq. Naliliineq una arfeqatigiiaanun mikinerusunut qaqqutigunnarlu nunatta imartaanut apissittartunut aammalu piniarneqarneq ajortunut tunngatinneqanngilaq. Tamakkununnga tunngassuteqartut immikkoortitaarlugit naliliiffigineqartariaqartassapput. Kalaallit Nunaata kitaata imartaaniittartunut tigaagullinnut tunngatillugu NDF-imik naliliineq akuersaartumik inerineqarpoq, IWC-p ataani innersuussutigineqartut malillugit tigaagullinniartarnerit ingerlanneqarmata.

Siusinnerusukkut naliliisarnitsinni pissutsit assigiinngitsut uumasogatigiiaanit assigiinngitsunit avammut niuerutigineqartarnernut attuumassuteqartut nalilersuiffigisarsimavagut. Qilalukkanit qernertanit, nannunit aavernillu tunisassianik avammut niueruteqartarnerit sunniuteqartarsimasinnaanerit assortorneqarsinnaasorinangilaq, tassami taakkunannga tunisassiat nunattalu avataanut tunineqartartut aningaasaqarniarnermut pingaaruteqartuummata. Tassa imaappoq, tamakkiisumik pisat amerlassusiat piujuartitsiniarnermik tunngaveqartumik ilumut pisaasimanerat paaseqqaarlugu aatsaat akuersisoqarsinnaanera naliliiffigineqartarpoq. Qilalukkanit qaqortanit arfernillu mikinernit allaneersunit tunisassiassanik nerineqarsinnaasunik nunatta avataanut niueruteqartarnerit aarleqquteqartitsilersinnaanerit ilimaginngilarput. Taamaattorli uumasogatigiiaanut tamanut tunngatillugu piujuartitsiniarnermik tunngaveqartumik iluaqutigineqarnissaannik nalunaarut naapertorlugu aaliangerpugut uumasogatigiiaat naliliiffigineqartut Kalaallit Nunaanni iluaqutigineqarnerat piujuartitsiniarnermik tunngaveqartumik ingerlanneqartillugu akuersisoqartassasoq.

Piujuartitsiniarnermik tunngaveqartumik ingerlatsisoqarnera paasiniarlugu misissuinitinni qinerparput pisaasartut tamakkerlutik amerlassusiat eqqarsaatigalugit ilisimatuussutsikkut siunnersuinerit NAMMCO-mit, JCNB-mit IUCN/PBSG-imillu innersuutigineqartutuut ilumut amerlassuseqarnerisut misissuiffigissallugu. Nalilersuinerni taakkunani uumasut piniarnermi annaasaqaataasartut amerlassusiat ilanngunneqarput. Kisiannili qilalukkat qaqortat, qilalukkat qernertat aarrillu qassit ukiup ataatsip ingerlanerani annaasaqaataasimasut pillugit kisitsisinik tutsuiginartunik peqannginnatta annaasassatut naatsorsuutigineqartut siunnersuineri aallaavigineqartartut atortarpavut. Naak annaasassatut naatsorsuutigineqartut amerlassusiligaanerit apeqquserneqarsinnaagaluartoq pingaaruteqarpoq naatsorsuutit taakkorpiat piniarnerup piujuartitsiniarnermik tunngaveqartumik ilumut ingerlanneqarsimaneranik naliliinermi atussallugit. Annaasarsimasammi amerlassusiat sippulimmik nalilersimagaanni siunissami piujuartitsiniarnermik tunngaveqartumik iluaquteqarsinnaaneq aamma qaffasinaagaasinnaammat. Pisaqarsimanermut nalunaarutini aamma ilanngunneqartassapput uumasut pisassiissutigineqartut qaangerlugit sippuilluni pisarineqartut amerlassusiat, soorlu nannut imminut illersorniarluni pisarineqartut imaluunniit arferit qassutinut napitissimasut toqunneqaannartariaqartartut pineqartillugit. Arferit sassani

toqunneqartartut naatsorsuutigineqanngillat, pissusissamisoortumik annaasaqaatit naatsorsuunneqartarmata.

Ilisimatuussutsikkut siunnersuiner mi piujuartitsiniarnermik tunngaveqartumik piniarnertut isigineqakkajulluni aallaavigineqartarpoq ukiumut agguaqatigiissillugu pisat amerlassuserisinnaasaannik inissiineq (assersuutigalugu ukiunut tallimanoortunngorlugu), taamaalilluni ukiumut pisarineqartut amerlassusiat tassanga nikingavallaartarani. Tamanna aamma ukiumoortumik pisassiissutigineqartut amerlassusiannit nikingavallaarneq ajorpoq. Tassa imaalluni ukiut ilaanni ukiumut pisassiissutigineqartut sipporlugit pisaqartoqarpat, taava sippuissutaasut amerlassusiat ukiuni tulliuuttuni pisassiissutigineqartussanit ilanngaatigineqarsinnaalerlutik aammalu akerlianik pisassiissutigineqartut tamakkerneqarsimannginnerini ukiuni tulliuuttuni pisassat ilaneqarsinnaalerlutik. Taamaattumik toqqarparput ukiuni pingasuni pisarineqartartut piujuartitsiniarnermik tunngaveqartumik pisaasimanerat paasiniarlugu naliliisassalluta. Imaattassalluni, ukiuni pingasuni pisarineqarsimasut NAMMCO-p, JCNB-p, IUCN/PBSG-llu ataannit ilisimatuussutsikkut siunnersuinerit malillugit amerlassuseqakanneraangata (sippornagit) taava piffissami pineqartumi NDF naliliinerit akuersaartuusassasut.

Naggataagut uumasogatigiiaakkuutaartumik NDF naliliisoqartarnissaa erseqqissaatigissavarput, imaassallunilu Nunarput tamakkerlugu pisassiissutigineqarsimasut katillugit amerlassusiisa aatsaat sipporneqannginneranni akuersaartumik naliliisoqartassammat. Uumasogatigiiaat Canadalu aveqatigiiffigisavut pineqartillugit Canadameersut pisarisartagaat (aamma annaasaqaatigisimasaat eqqarsaatigalugit) aamma ilanngunneqartarput. Uumasogatigiiaanut ataasiakkaanut NDF naliliisoqartassanngilaq, tassami pisarineqartut uumasogatigiiaanit sorlerneernerat imaaliallaannaq paasineqarsinnaanngilaq qaammataasanut nassitsissutilersuinikkut aatsaat tamanna paasineqartarmat, maanaagallartorlu taamaaliortoqarnikuunngimmat.

Qilalukkat qernertat

2014-imiit 2015-imut pisassiissutigineqarsinnaasutut innersuussutigineqartut 2012-imi, kiisalu 2016-imoortut 2015-imi NAMMCO/JCNB-miillu siunnersuinerinik

toqqammaveqarput. Kalaallit Nunaata Kitaanut tunngatillugu maluginiarneqassaaq 2014/2015-imilu siunnersuinerit immikkooruteqarmata, tassa tassani pisarineqarsimasut kisimik naatsorsuutigineqarmata (ataani tabelimi *-mik nalunaarneqarsimallutik), 2016-ilu siunnersuinerit aamma Tunumut tunngatillugu siunnersuineri annaasaqaataasartut ilanngunneqarsimallutik. Pisanik nalunaarsuutini qilalukkat qernertat qanoq amerlatigisut annaasaqaataasernerat nalunaaruteqarnermi ilumut ilanngunneqartarsimanerat ilisimaneqanngilaq, matumanilu naatsorsuutigineqarpoq nalunaaruteqarnermi ilanngunneqarneq ajortutut. Ilangullugu maluginiaqqussavarput Kalaallit Nunaata kitaani qilalugarniartarnernut tunngatillugu siunnersuinerit sumiiffinni assigiinngitsuni pisassiissutigineqarsinnaasut naatsorsuusiorfigineqarnerini sumi pisaqartarsimanerat aammalu qilalukkat qernertat Nunatta kitaata Canadallu sineriaannit sortaaneersuunerat isiginiarlugittaaq suliarineqarmata.

Kalaallit Nunaanni qilalukkanut qernertanut tunngatillugu ataatsimut isiginnilluni taakkunanga pisunit piujuartitsiniarnermik tunngaveqartumik avammut niuruteqarsinnaaneq **akuersaarneqarsinnaasimannngilaq**, tassa Inglefield Bredning-imi, Qimusseriarsuarmi, Ittoqqortoormiini Tasiilamilu pisassiissutigineqarsinnaasutut siunnersuineri innersuussutigineqarsimasut sipporlugit pisaqartoqartarsimammat.

Etah	Pisat nalunaarutigineqart.	Pisat nalunaarutigineqan.	7.5 % annaasat	Pisat allat	Tamakk.	Siunnersuineq¹
2014	-	-	-	-	-	Soqanng.
2015	-	-	-	-	-	Soqanng.
2016	0	-	-	0	-	5
Tamakkerl.	0	-	-	0	-	5

¹Etah-mut tunngatillugu qilalukkanut qernertanut siunnersuineq 2016-imi siullermeerluni pivooq

Inglefield Bredning	Pisat nalunaarutigineqart.	Pisat nalunaarutigineqan.	7.5 % annaasat	Pisat allat	Pisat	Siunnersuineq
2014	102	0	8	0	102*	85*
2015	75	0	6	0	75*	85*
2016	81	0	6	0	87	98
Tamakkerl.	258	0	20	0	264	268

Qimusse-riarsuaq	Pisat nalunaarutigineqart.	Pisat nalunaarutigineqan.	15 % annaasat	Pisat allat	Pisat	Siunnersuineq
					Pisat	
2014	113	0	17	0	113*	81*
2015	71	0	11	0	71*	81*
2016	91	0	14	0	105	70
Tamakkerl.	275	0	42	0	289	232

Uummannaq	Pisat nalunaarutigineqart.	Pisat nalunaarutigineqan.	15 % annaasat	Pisat allat	Pisat	Siunnersuineq
					Pisat	
2014	69	0	10	0	69*	85*
2015	42	0	6	0	42*	85*
2016	120	0	18	0	138	154
Tamakkerl.	231	0	34	0	249	324

Qeqertar-suup Tunua	Pisat nalunaarutigineqart.	Pisat nalunaarutigineqan.	15 % annaasat	Pisat allat	Pisat	Siunnersuineq
					Pisat	
2014	50	12	9	0	62*	59*
2015	30	0	5	0	30*	59*
2016	53	0	8	0	64	97
Tamakkerl.	132	12	22	0	156	215

Ittoqqor-toormiit	Pisat nalunaarutigineqart.	Pisat nalunaarutigineqan.	15 % annaasat	Pisat allat	Tamakk.	Siunnersuineq
2014	63	0	9	0	72	70
2015	74	0	11	0	85	70
2016	38	0	6	0	44	50
Tamakkerl.	175	0	26	0	201	190

Tasiilaq	Pisat nalunaarutigineqart.	Pisat nalunaarutigineqan.	15 % annaasat	Pisat allat	Tamakk.	Siunnersuineq
2014	18	0	3	0	21	18
2015	20	0	3	0	23	18
2016	15	0	2	0	17	16
Tamakkerl.	53	0	8	0	61	52

Qilalugaq qaqortaq

2014-imiit 2015-imut piniarnermi pisassiissutigineqarsinnaasutut innersuussutigineqartut 2012-imi kiisalu 2016-imoortut 2015-imi NAMMCO/JCNB-miillu siunnersuinernik toqqammaveqarput. Kalaallit Nunaata Kitaani pisassiissutigineqarsinnaasutut siunnersuinermi innersuussutigineqartunut annaasaqaataasartutut agguaqatigiissillugu pisat nalunaarutigineqarsimasut 8,5 %-iattut naatsorsorneqarsimasoq ilanngunneqarpoq. Tamannalu Kalaallit Nunaata kitaani ukiuunerani qilalukkanik qernertarniartarnernut tunngatinneqarpoq. Tamaammat matumani NDF naliliinermi Canadami pisarineqarsimasut ilanngunneqanngillat. Qaanaami ukiuunerani qilalugarniartarnerit eqqarsaatigalugit aalajangiunneqarpoq, taavani pisaasartunik amerlassusiliisimanerit piujuartitsiniarnermik tunngaveqartumik piniarnertut isigineqassasut.

Pisarineqarsimasutut nalunaarutigineqartut akornanni annaasaqaataasimasut qanoq amerlatiginerat ilisimaneqanngilaq, uanilu aallaaviuvoq ilanngunneqannginnissaat. Kalaallit Nunaanni qilalukkanut qaqortanut tunngatillugu taakkunannga pisunit piujuartitsiniarnermik tunngaveqartumik avammut niueruteqarsinnaaneq **akuersaarneqarpoq**, tassami pisarineqartartut siunnersuinermi innersuussutigineqartunit aammalu annaasaqaataasussatut naatsorsuutigineqartut ilanngullugit ikinnerusarmata.

KN Kitaa	Pisat nalunaarutigineqart.	Pisat nalunaarutigineqan.	8,5 % annaasat	Pisat allat	Tamakk.	Siunnersuineq
2014	240	0	20	0	260	310
2015	120	0	10	0	130	310
2016	187	0	16	0	203	320
Tamakkerl.	547	0	46	0	593	940

Qaanaaq	Pisat nalunaarutigineqart.	Pisat nalunaarutigineqan.	5 % annaasat	Pisat allat	Tamakk.	Siunnersuineq
2014	31	0	2	0	33	piniarneq ok
2015	7	0	0	0	7	piniarneq ok
2016	16	0	1	0	17	piniarneq ok
Tamakkerl.	54	0	3	0	57	piniarneq ok

Aarrit

Aarrit 2014-imi pisarineqarsimasut NAMMCO-p ataani 2010-mi pisassiissutigineqarsinnaasutut innersuussutigineqartut amerlassusii malillugit aalajangiiffigineqarsimapput, illuatungaanik 2015-imi pisat NAMMCO-p ataani 2014-imi (2013 Annual Report) siunnersuinermit innersuussutigineqartut malillugit amerlassuseqarsimapput; matumani Qaanaaq minillugu, tassami taavani 2016-imi aaffattat 2015-imut siunnersuisimaneq malillugu amerlassusilerneqarsimammata (SC/22/2015). Siunnersuinermit piniarnermi annaasaqaataasartut ilanngunneqarput, 2015-imi Qaanaamut tunngatillugu taavani pisaasartut (*-mik nalunaarneqarsimasut) amerlassusiat ilanngunneqarpoq.

Qaanaamut tunngatillugu ukiuni pingasuni agguaqatigiissillugu pisaasartut ukiunut pineqartunut siunnersuinermit pisassiissutigineqarsinnaasutut innersuussutigineqartunit amerlanerulaarput. Taamaakkaluartorli aavernut tunngatillugu NDF naliliineq **akuersaartumik** aaliangiiffigineqarpoq, 2016-imut pisassiineq siunnersuineq naapertormagu peqatigisaanillu 2015-imi 2016-imilu pisat tamakkiisut siunnersuinermit innersuussutinit ikinnerummata.

Qaanaaq	Pisat nalunaarutigineqart.	Pisat nalunaarutigineqan.	Canada pisat	15 % annaasat	Pisat allat	Tamakk.	Siunnersuineq
2014	67	0	7	11	0	85	68
2015	74	0	7	12	0	93	93
2016	74	0	-	-	0	74*	85*
Tamakkerl.	215	0	21	35	0	252	246

KN Kitaa	Pisat nalunaarutigineqart.	Pisat nalunaarutigineqan.	Canada pisat	15 % annaasat	Pisat allat	Tamakk.	Siunnersuineq
2014	52	1#	16	10	0	79	89
2015	53	0	16	10	0	79	100
2016	52	1#	16	10	0	79	100
Tamakkerl.	157	2	48	30	0	237	289

KN Tunu	Pisat nalunaarutigineqart.	Pisat nalunaarutigineqan.	11,5 % annaasat	Pisat allat	Tamakk.	Siunnersuineq
2014	8	3#	1	0	12	20
2015	4	0	0	0	4	20
2016	9	1#	1	0	11	20
Tamakkerl.	21	4	2	0	27	60

*Unioqquitsilluni pisat

Nannut

Nannunut tunngatillugu siunnersuineq kingulleq pivoq 2010-mi, tassanilu Kane Basin-imi (KB) Baffin Bugt-imi (BB) 1993-97-imi pisarineqarsimasut tunngaviupput. The Canada/Greenland Joint Commission on Polar Bears (JCPB) 2012-imi siunnersuisimaneq pisoqalisimanerarlugu inerniliivoq, siunnersuinerlu nutaaq 2017-ip aasaanerani naammassineqarnissaa pilersaarutigineqarpoq. Aamma Tunumi nannut uumasogatigiaat pillugit siunnersuusiortoqarsimanngilaq. **Akuerisaasumik siunnersuinermik suliaqartoqarsimatinnagu NDF naliliinermik akuersaartumik tunisisoqarsinnaanngilaq.**

Kane Basin	Pisat nalunaarutigineqart.	Pisat nalunaarutigineqan.	Canada pisat ²	? % annaasat	Pisat allat *	Tamakk.	Siunnersuineq
2014	5	0	0	-	0	5	Soqanng.
2015	6	0	0	-	0	6	Soqanng.
2016	4	0	0	-	2	6	Soqanng.
Tamakkerl.	15	0	0	-	2	17	Soqanng.

Baffin Bugt	Pisat nalunaarutigineqart.	Pisat nalunaarutigineqan.	Canada Pisat ²	? % annaasat	Pisat allat *	Tamakk.	Siunnersuineq
2014	70	0	67	-	1	138	Soqanng.
2015	72	0	63	-	1	136	Soqanng.
2016	49	0	-	-	1	-	Soqanng.
Tamakkerl.	191	0	-	-	-	-	Soqanng.

² Kisitsisit Canadameersut siuliani juulimiit junimut atuuttut, Polar Bear Harvest Reports-imeersut, <http://www.gov.nu.ca/environnement/information/wildlife-research-reports>

Davis Stræde	Pisat nalunaarutigineqart.	Pisat nalunaarutigineqart.	Canada pisat ^{2,3}	? % annaasat	Pisat allat *	Tamakk.	Siunnersuineq
2014	3	0	112	-	0	115	Soqanng.
2015	0	0	82	-	0	82	Soqanng.
2016	3	0	-	-	0	-	Soqanng.
Tamakkerl.	6	0	-	-	0	-	Soqanng.

KN Tunu	Pisat nalunaarutigineqart.	Pisat nalunaarutigineqart.	? % annaasat	Pisat allat*	Tamakk.	Siunnersuineq
2014	65	0	-	1	66	Soqanng.
2015	64	0	-	7	71	Soqanng.
2016	64	0	-	7	71	Soqanng.
Tamakkerl.	193	0	-	15	208	Soqanng.

*Imminut illersortariaqarnermi

³ Nunavumi Quebecimilu pisat. Paasissutissat Quebecimeersut piniartunit namminneq piumassutsiminnik tunniussaapput aammalu uannga: Ministère des Forêts, de la Faune et des Parcs, saqqummiunneqanngitsoq.